



## **Universitätsbibliothek Paderborn**

### **Antidota Evangelica Contra Horvm Temporvm Hæreses**

In Qvibvs Quatuor Euangeliorum illi textus explicantur, quibus vel hæretici  
hodie (maximè Caluinus & Beza) ad sua dogmata propugnanda vti solent,  
vel ad hæreticorum dogmata impugnanda Catholici vti possunt

**Stapleton, Thomas**

**Lvgdvni, 1595**

26. Cœnantibus autem illis, accepit Iesus panem.

**urn:nbn:de:hbz:466:1-39463**

patefecit. Dete ipsa, totaque hac exerna Christi veneratio-  
ne, quam in posterum hoc loco prohiberi Caluinus vult, in  
Ad Ioan. ciusdem historiae apud Diuum Ioannem repetitione, vbi  
cap. 12. paulo neruosis Caluinus disputat, plenius differemus; & pu-  
tidas Caluni corruptelas, fauente Deo, illic aperiemus.

26. Cenantibus autem illis accepit Iesus panem.

*Christus  
triplicem  
Cenam per-  
egit.*

*Luc. 22.*

**V**T tota Christi actio & doctrina in mysterio Euchari-  
stico quod hic Marthae aliique Euangelista misa  
verborum breuitate, sed magna rerum ac mysteriorum copia  
describunt, dilucide intelligatur, notandum ante omnia,  
Christum hac ultima nocte mortalis vitae suæ triplicem Ca-  
nam peregrisse. Primam, qua stando paschalem agnum come-  
debat, iuxta legis præscriptum, de qua discipuli dixerunt, *Vbi  
vis paremus tibi comedere pascha?* Secundam, communem &  
familiarē, in qua discubuit cum discipulis suis, quā variis in-  
terpositis sermonibus de proditore, ut hoc locos de alia qua-  
dam contentionē, ut apud Lucam, diu protraxit: & in qua po-  
culum libatorium more gētis illius omnibus suis propinavit,  
de quo Lucas ita scribit. *Accepto calice gratias egit, & dixi,  
Accipite, & diuidite inter vos. Dico enim vobis, quod non bibam  
de generatione vitis, donec regnum Dei veniat.* Ad quam etiam  
secundam cenam pertinent verba Matthæi hoc capite, *Dic  
vobis, non bibam a modo de hoc genimine vitis usque in diem il-  
lum, cum illud bibam nouum in regno Patris mei.* Hæc enim  
verba prioribus simillima Christum ante Cenam Euchari-  
sticam dixisse ex Luca manifestè patet, ut postea latius dice-  
tur. In hac secunda cena surrexit, & discipulorum suorum pe-  
des lauit, ut est apud Ioannem, cap. 13. *Et cena facta, sup. Pas-  
chali: & paulo post, Surgit à cena, & ponit vestimenta sua, &c.* id est, surgit à communi & familiari cœna, quam more om-  
nium Iudeorum. finita solemnitate Paschali, cum suis cele-  
brabat. Nam post hanc ablutionem pedum iterum recumbit  
in cœna eadem, & turbatus spiritu, de proditore suo verba fa-  
cit, ut prolixè narrat in seqq. Ioānes. Qui de terra & Eucharisti-  
ca Cœna nihil quidē scribit, eo quod cœteri tres Euangeli-  
stæ ante illum eam plenè descripsissent. Addit tamen de Iuda,  
*Cum accepisset buccellam, exiuit continuo. Quod ad Cœnā Eu-  
charisticam pertinere nemini dubium est, qui Iudam Domini-  
ni corporis participem fuisse agnoscat, quod clare docet*

*Aug*

Augustinus tract. 26. in Ioan. & serm. 11. de verb. Domini, & Chrysost. homil. de proditione Iuda. Quum autem hunc de proditione sermonem Matth. & Marcus discitè ante cœnam Eucharisticam, Lucas verò post illam ponat, duos priores Euangelistas verum ordinem seruasse. D. Ioannes postremò scribens quasi arbiter definiuit, narrans Iudam accepta buccella continuò exiuisse. Quod ergo Matthæus h̄ic dicit, Cœnantibus illis, & Marcus, Manducantibus illis, accepit Iesu panem, &c. intelligendum est peracta iam secunda cœna familiari ac communi: quod expressius posuit Lucas dicens, Similiter & calicem, postquam coenauit, dicens, &c. id est, absoluta cœna communi. Quod in altera quoque huius Sacramenti parte factum fuisse dubitari non debet: tum quia dinelli una pars ab altera non debuit, tum quia Lucas dicit, Similiter & calicem. Illud enim, similiter, non solum ad benedictionem & distributionem calicis, sed & ad temporis rationem ac similitudinem necessariò referendum est. Hæc diligenter annotanda sunt: tum quia alij aliter exponunt, omnium Euangelistarum contextū non satis expenso; tum quia ad alia circa hoc mysterium intelligenda conducunt. Sic enim non solum à cœna Paschali noua Christi cœna, à figura veritas distinguetur, verum etiam à communi cœna, & communi pane ac vino, nouum & augustissimum mysterium se iungetur. Sie alia hæretorum absurdâ refellentur, ut mox videbitur.

### 26. Accepit Iesu panem, & benedixit.

**N**Oranda h̄ic duplex circumstantia in facto Christi, ut cœna Eucharistica de verborum sensu certius constet. Prima est quod cœnam Eucharisticam & non Paschalem auspicatus, de quo apud Lucā dixerat, Desiderio desideravi hoc Pascha man-  
ducare vobiscum antequam patior, ut illa verba Terrul. lib. 4. aduersus Marcionem, & Chrysost. homil. 83. in Matth. expo-  
nunt, accepit panem. Accipiendo quippe hoc elementum, do-  
cet se in re accepta aliquid operaturum, nō in sola mente aut pio, panis  
speculatione præsentium discipulorum. Sic Matth. 15. multi-  
plicaturus septem panes, accepit eos in manus. Sic Ioan. 6.  
multiplicaturus quinque panes, similiter accepit in manus.  
Sic hoc loco panem & calicem in manus accipiens, ostendit  
se circa res ipsas aliquid operaturum, non solum distribuen-  
do, frangendo, & dando discipulis, sed etiam benedicendo. Altera igitur circumstantia est, quod pani & calici benedixit. Quod